




漢書門  
類記圖架冊

漢書門  
類記圖架冊

內閣文庫	
番號	漢 13010
冊數	120 ( 38 )
函號	201 64



癆科證治準繩卷之三

金壇王肯堂輯 門人新安閔承詔校

癱疽部分

靈樞五臟身有五部 伏兔一 腓二腓者腓也 卽足肚

背三 五臟俞四 項五 此五部有癱疽者死

王海藏云 腦 鬚 鬢 頤 亦為癱疽必死之處

鬼遺方不可患癱疽者七處 眼後虛處 頤接骨

處 陰根上毛間胯與尻骨接處 耳門前後車骨

接處 諸因小腹風水所成癱疽 頷骨下近耳後

虛處 鼻骨中 並能害人但以諸法療之或有得瘥唯眼後虛處最險

背上九處不可病癰 第一入髮際為玉枕亦為舌

本 第二頸項節 第三椎為崇骨 第四大椎為

五藏 第五脊骨兩邊肺俞穴 第六夾脊兩邊脾

俞及肝俞 第七脊骨兩邊腎俞二穴 第八後心

鳩尾 第九鳩尾骨穴

正面五處不可患癰 第一喉骨為垂膺 第二當

胸為神舍 第三心鳩尾 第四當兩乳穴 第五

臍下二寸為腸屈間

側面三處不可患癰 耳下近耳後牙車尖中央陷中

為喉脉一穴 當膊下一穴為肩骨 承山上三寸

一穴膈腸

上焦發癰為陽是壅塞實候宜解利温涼湯藥去其

積熱上攻外即貼消腫逼毒藥如已結定即用發穴

藥候穴被出其膿毒腫平方貼生肉等藥然後斂合

瘡口亦慮外傷風水勿食發風熱醬麵毒物等忌房

事

中焦發癰至腰上一節前後心不定所在皆是澁滯

候亦乘虛而作不拘大小前起心鳩尾者最要緊近

兩腋是虛處兩脇肋下至臍上及臍下兩傍一上寸發癰填氣伏硬難潰膿為此等處偏難發穴穴後難谷瘡口並須先用煖內藥服後用熱藥貼令軟和慢慢破穴不得急破急破即朝夕出膿不住緩慢破穴即一頓出膿易為將息後心者唯有十一椎脾俞下十四椎上為腎俞腎俞下為腰俞兩處起癰者防毒氣內攻為此處皆是至虛處凡有癰起先須補內氣令實方可放破內氣實則不內攻且易得潰唯腰腿兩處多成漏疾預防節慾則危矣下焦發為流注虛損候前陰股兩處起如鷄卵大長

橫摺內初起腫核結塊後四畔浮腫相併伏硬色青黑先用和平藥內服三五日後用發軟散及罨藥罨令軟即穴穴後其瘡口即隨摺子內作長瘡瘡口破宜急用抽毒膏出膿膿盡便貼合瘡口藥為此處無肉可壞更不須長肉也

右靈樞鬼遺諸書所言部分甚悉今已散采入各條矣其經絡所屬及引經之藥已見首卷分經絡篇其初中後內消外治之法及表裏虛實之別則當於腫瘍潰瘍門求之今世專科方士所詫以為祕傳之書圖寫形像分別名目以立治法者多不

足憑此中亦有蒐采者如或問之類姑以廣聞見耳不  
必泥也

△頭部一

○百會疽

或問百會穴生疽何如曰此名玉頂發初如麥米頓  
增痛楚寒熱大作由虛陽浮泛宜以鹽湯下中八味丸  
引火歸源甚則黑錫丹或元氣素厚六陽經受風邪  
風火相扇臟腑熱毒上攻而然者宜黃連消毒飲兼  
玉樞丹勝金丹更以附子切片置湧泉穴灸五壯以  
泄其毒七日無膿者死

○頂門癰

或問頂門生癰何如曰此屬太陽經風熱所致一名

佛頂疽名上星由臟腑陰陽不調熱毒上壅而成  
宜服活命飲加芩連梔子藜本清熱之劑及紫金丹  
烏金散奪命丹汗之虛者十全大補湯加羌活稍遲  
潰爛黑陷惡證多脉大神昏一便閉結者不治

○額疽

鬼遺方云左額右額發赤疽不拘大小狀如桃李急  
宜藥貼破見膿無害右額角一處發毒疽及惡瘡為  
近太陽穴如腫滿太陽即成虛損為近穴而難消不  
可破如破後傷外風水即能害人亦宜用藥潰膿後  
速飲合瘡口如經冬月即成冷瘡緣此處近太陽穴

上至額角都為險處 或問當額生疽何如曰此屬  
陽明胃積熱宜服活命飲加升麻桔梗羌活酒水煎  
服壯實者一粒金丹下之老弱者十全大補湯或十  
宣散黃芪內托散托之過時潰爛腦髓出者死

○太陽疽

鬼遺云左右太陽穴或發疽癰及癰五七日不潰毒  
氣流入眼眶攻眼眼合不開用藥貼破破後慎外風  
水所入即損其睛疰損眼臉而成太疾 或問兩太  
陽生疽何如曰此名勇疽亦名腦發疽屬足陽明胃  
經狀如伏鼠寒熱併作面自浮腫宜活命飲加升麻

頭部髮疽

外科

桔梗烏金散十日刺得黃白膿者生清稀黑血者及潰爛透腦者死

○鬢疽

鬢疽屬手少陽三焦相火是經少血多氣尤忌見膿若妄加針灸必至不起余見之屢矣 薛新甫以為屬肝膽二經怒火或風熱血虛所致若發熱作渴者用柴胡清肝散腫譽痛甚者用仙方活命飲若大勢已退餘毒未散用參芪歸朮為主佐以川芎白芷金銀花以速其膿膿成仍用參芪之類托而潰之若欲其生肌收斂脾虛者六味九血虛者四物加參芪或

血燥或水不能生木者用四物湯六味地黃丸氣虛者用補中益氣湯皆當滋其化源為善

一老腫痛發熱膿清作渴脉軟而濇此氣血俱虛也

欲補之彼見作渴發熱乃服降火之劑果作嘔少食

復求治投六君子湯四劑嘔止食進仍用補藥月餘

而愈以上補例 一人患此焮痛作腫發熱以小柴胡湯

加連翹金銀花天花粉四劑而消 一人因怒後鬢

際腫痛發熱以小柴胡湯加連翹金銀花天花粉四

劑根畔俱消惟瘡頭作痛以仙方活命飲二劑痛止

膿熟針之更以托裏消毒藥而愈 一人腫痛寒熱

膿熟針之更以托裏消毒藥而愈 一人腫痛寒熱

拘急脉浮數以荆防敗毒散二劑表證悉退更以托  
裡消毒散潰之而安 一人焮腫痛甚發寒熱服平  
宣散愈熾診之脉數而實此表裏俱有邪也以荆防  
敗毒散加芩連大黃二劑少愈更以荆防敗毒散四  
劑而消 俞黃門年踰三十冬患鬚毒腫焮煩躁便  
祕脉實此膽經風熱壅上也馬氏曰瘡瘍熱實不利  
者大黃湯下之一劑便通瘡退更以荆防敗毒散二  
劑十宣散去桂加天花粉金銀花數劑而愈 一人  
頭面焮腫作痛時仲冬脉弦緊以托裡溫經湯汗之  
而消 趙宜人年踰七十鬚疽已潰焮腫痛甚喜冷

脉實便秘東垣云煩躁飲冷身熱脉大精神昏悶者  
臟腑實也以清涼飲二劑腫痛悉退更以托裏藥三  
十餘劑而平

汪前疽雖出少陽血少之分然證與脉皆屬于實  
故年壯者用瀉劑之重老年者用瀉劑之輕若拘  
以年老或守其經禁而投補劑實實之禍難免矣

以上  
瀉例

侍御朱南臯患前證腫痛發熱日晡尤甚此肝膽二  
經血虛火燥也用四物湯加玄參柴胡桔梗炙甘草  
之而愈又因勞役發熱畏寒作渴自汗用補中益氣



湯去柴胡升麻加五味麥門炮薑而瘥州守胡廷  
器年七十患前證腫焮作痛頭自俱脹此腎水不足  
肝膽火盛而血燥也用六味丸料四劑瘡頭出水而  
愈後因調養失宜仍腫痛煩熱喘渴脉洪大而虛此  
脾胃之氣傷也用補中益氣以補脾胃用六味地黃  
丸以補腎肝而痊以上補例

柴胡清肝散 治鬢疽及肝膽三焦風熱怒火之證  
或項胸作痛或瘡毒發熱

柴胡 山梔 炒各壹錢伍分 黃芩 炒  
川芎 人參 各壹錢 連翹

桔梗 各捌分 甘草 伍分

右水煎服  
髮際瘡

鬼遺云左右髮際起如粟米頭白肉赤熱痛如錐刺  
此疾婦人患多丈夫患少始因風濕上攻髮際亦宜  
出膿無傷 或問髮際生瘡何如曰此名髮際瘡也  
狀如茱實漫腫寒熱或痛或痒者髮際疽也此由風  
熱上壅所致宜服防風通聖散紫金丹奪命丹汗之

○癩頭瘡

丹防風通聖散為末酒浸焙乾凡三次食後白湯調

服日三服至頭有汗効

世濃煎鹽湯洗三五日一名洗用二上散傳之三久年木

愈神効

丹用好紫霄炭燒通紅入水淬之又燒又淬以水熱為度取所淬之水日日洗之使熱毒宣發而愈外以胡荽子伏龍肝懸龍尾屋梁塵也黃連白礬為末調傳又服酒炒通聖散効

一方單用黃連末傳之累効

或問頭上生瘡狀如葡萄痛甚久而無膿何如曰名鬚毛瘡治法上同必須詳驗其瘡若中陷而四畔高

起色如黃蠟者廣瘡也

松脂膏 治頭瘡經年月不瘥

松脂

黃連

黃芩

苦參

蛇床子

大黃

白礬

水銀

胡粉

同研令無星為度

右為細末研勻用臘豬脂調傳瘡上大効

貝母膏 治頭禿瘡

貝母

半夏

南星

五倍子

白芷

黃蘗

苦參

各貳錢半

號丹

燉壹錢半

雄黃

壹錢

右為細末先以蜂房白芷苦參大腹皮荆芥煎湯熏洗拭乾即用蜜水調傅兩三次後乾摻藥

加味平胃散 治一切惡瘡頭上瘡

右平胃散入膩粉清油調傅之甚妙

螵蛸散 治頭上生瘡俗曰粘瘡

海螵蛸

貳錢

白膠香

輕粉

各半兩

為細末研勻先用清油潤瘡後摻藥只一上可

治頭極痒不痛生瘡方

鴉鴿糞

伍合

右以好醋和膏煮三兩沸日兩三次塗之

○腦疽

鬼遺正腦上一處起為腦癰及腦疽腦鑠並在太椎骨上入髮際生腦癰皮起易得破穴急破急出膿不害腦疽皮厚難得破穴須急發內毒使破穴方可腦鑠一處初起如橫木掘上起頂門下止大椎發腫如火燒其色青黑如靴皮大硬不見膿即損外皮如犬咬去肉之跡難愈 靈樞云陽氣大發消腦溜項名曰腦燥其色不樂腦項痛如刺以針煩心者死不可治

薛腦屬足太陽膀胱經積熱 或濕毒上湧 或陰  
虛火熾 或腎水虧損陰精消涸 初起腫赤痛甚  
煩渴飲冷脉洪數而有力乃濕熱上湧當用黃連消  
毒散并隔蒜灸以除濕熱 漫腫微痛渴不飲冷脉  
洪數而無力乃陰虛火熾當用六味丸及補中益氣  
湯以滋化源 若口舌乾燥小便頻數或淋瀝作痛  
乃腎水虧損急用加減八味丸及前湯以固根本引  
火歸經 若不成膿不腐潰陽氣虛也四君加歸芪  
不生肌不收斂脾氣虛也十全大補湯 若色黯  
不潰或潰而不斂乃陰精消涸名曰腦爍為不治若

積熱 挾風 濕虛

攻補得宜亦有可愈治者審焉  
元好問記曰予素飲酒於九月中患腦之下項之上  
出小瘡後數日腦項麻木腫勢外熾瘍醫遂處五香  
連翹湯至八日不下而云不可速療十八日得膿出  
用藥或砭刺三月乃可平四月如故予記醫經云凡  
瘡見膿九死一生果如醫言則當有束手待斃之悔  
矣乃請李明之診且謂膏梁之變不當投五香事已  
無及當先用火攻之策然後用藥以太艾炷如桃核  
許者攻之至百壯乃痛覺次為處方云是足太陽膀胱  
之經其病逆當反治脉中得弦緊按之洪大而數

又且有力必當伏其所主而先其所因其始則同其終則異可使破積可使潰堅可使氣和可使必已必先歲氣無伐天和以時言之可收不可汗經與病俱禁下法當結者散之鹹以奠之然受寒邪而禁鹹諸苦寒為君為用甘寒為佐酒熱為因用為使以辛溫和氣血太辛以解結為臣三辛三甘益元氣而和血脉滲淡以導酒濕扶持秋令以益氣瀉火以入本經之藥和血且為引用既以通經為主用君以黃芩黃連黃蘗生地黃知母酒製之本經羌活獨活藁本防風防已當歸連翹以解結黃芪人參甘草配諸苦寒

者三之一多則滋營氣補土也生甘草瀉腎火補下焦元氣人參橘皮以補胃蘇木當歸尾去惡血生地黃補血酒製防已除膀胱留熱澤瀉助秋令去酒之濕熱凡此諸藥必得桔梗為舟楫乃不下沉投劑之後疽當不痛不拆食進體健予如言服之投牀太昇日出乃寤以手捫瘡腫減七八至瘡痂都斂十四日而已世醫用技豈無取効者至於治効之外乃能歷數體中不言之秘平生所見唯明之一人而已方名黃連消毒飲見本條一人素不慎起居飲食炊赤腫痛尺脉洪數以黃連消毒散一劑濕熱頓除惟腫硬作痛以仙

方活命飲二劑腫痛悉退但瘡頭不消投十宣去桂  
加金銀花藁本白木茯苓陳皮以托裏排膿彼欲全  
消自製黃連解毒散二服反腫硬不作膿始悟仍用  
十宣散加白木茯苓陳皮半夏腫少退仍去桂又四  
劑而膿成腫勢亦退繼以八珍湯加黃耆五味子麥  
門冬月餘膿潰而愈夫苦寒之藥雖治陰證尤當  
分表裏虛實次第時宜豈可始末悉用之然焮腫赤  
痛人脈數按之則濡乃膀胱經濕熱壅盛也故用黃  
連消毒散以解毒除濕顧腫硬作痛乃氣血凝滯不  
行而作也遂用仙方活命飲以散結消毒破血也其

瘡頭不消蓋因熱毒熏蒸氣血凝滯而然也宜用甘  
溫之劑補益陽氣托裡以腐潰之況此證原屬督脈  
經因虛火盛而出若不審其因專用苦寒之藥胃氣  
已傷何以腐化收斂幾何不致于敗耶凡瘡易消散  
易腐潰易收斂皆氣血壯盛故也一人腦疽已十  
餘日面目腫閉頭焮如斗脈洪數煩躁飲冷此膀胱  
濕熱所致用黃連消毒飲二劑次飲槐花酒二碗頓  
退以指按下腫則復起此膿已成于頸額肩頰各刺  
一孔膿並湧出口自始開更以托裏藥加金銀花連  
翹三十餘劑而愈一人患腦疽勢劇脈實用黃連

消毒散不應以金銀藤二兩水二鍾煎一鍾入酒半  
碗服之勢去三四再服漸退又加黃礫知母瓜蒌當  
歸甘草節數劑而潰止加黃芪川芎白芷桔梗數劑  
而愈一婦年將七十形實性急好酒腦疽纒五日  
脉緊急又瀆急用大黄酒煨細切酒拌炒為末又酒  
拌人參炒入薑前調一錢服過兩時再與得卧而止  
半身汗睡覺病已失此亦內托之意按此治因性急  
脉而制此方脉緊急且瀆由其性急嗜酒以傷其  
血而然故用大黃以洩酒熱人參以養氣血也  
杜清碧病腦疽療之不愈丹溪往視之曰何不服防  
風通聖散曰已服數劑丹溪曰合以酒製之清碧乃

自悟以為不及一婦腦左腫痛左鼻出膿年餘不  
愈時或掉眩如坐舟車許叔微曰肺虛風邪襲之然  
也以川芎一兩當歸三錢羌活旋復花細辛防風蔓  
荆子石膏藁本荆芥穗半夏麩乾地黃甘草各半兩  
每服壹兩一料而愈按此條認作肝虛風邪襲之而  
因其掉眩痛偏于左也經曰諸風掉眩皆屬肝木又  
病偏左乃肝膽所主又曰風從上受之又曰無痰不  
成眩暈又曰肝藏血又曰風乃陽邪故方以風熱痰血而主治者理也一老患此色  
赤腫痛脉數有力與黃連消毒飲二劑少退更與清  
心蓮子飲四劑而消一婦人冬間患此腫痛熱渴  
余用清熱消毒藥潰之而愈次年三月其舌腫大遍

身發疔如葡萄不計其數手足尤多乃脾胃受毒也  
 先各刺出黑血隨服奪命丹柒粒出臭汗瘡熱益甚  
 便秘二日與大黃芩連各叁錢升麻白芷山梔薄荷  
 連翹各貳錢生甘草壹錢水煎三五沸服之大小便  
 出臭血甚多下體稍退乃磨入犀角汁再服舌本及  
 齒縫出臭血諸毒乃消更以犀角地黃湯而愈  
 以上治按皆足太陽經積熱挾風挾濕挾虛者其  
 進退出入可以用黃連消毒散之活法也

黃連消毒飲

- 黃連 伍分
- 黃芩 伍分
- 黃檗 酒洗 伍分

- 人參 伍分
- 羌活 壹錢
- 藁本 伍分
- 黃芪 壹錢
- 當歸身 壹錢
- 生地黄 壹錢
- 知母 肆分
- 獨活 伍分
- 防風 伍分
- 連翹 壹錢
- 甘草 伍分
- 陳皮 伍分
- 澤瀉 伍分
- 當歸稍 伍分
- 蘇木 伍分
- 桔梗 壹錢
- 防已 伍分
- 入酒煎者用酒執為因為使

綱目 卷之... 十五



右俱作一服水參蓋煎減壹半去滓入酒少許再煎食後溫服投劑之後不得飲水必再作膿効遲初患三日者服之立効凡瘡皆陰中之陽陽中之陰一證而已東垣治疽陽藥七分陰藥三分名曰昇陽益胃散老人宜之亦名復煎散或加沒藥乳香各壹錢  
 右東垣論膏粱肉食之變治宜苦寒不宜芳香者如解裏條撮要內消升麻湯孫真人單煮大黃湯皆為富貴肉食之輩設也  
 羌活當歸湯 治腦疽

黃芩

黃連

當歸身

炙甘艸

羌活

黃蘗

連翹

澤瀉

獨活

藁本

防風

梔子仁

右咬咀分作四服水壹小椀先浸一時許入酒壹匙煎至捌分去渣大溫服食後日二服和查計陸服三日服盡去渣清藥調下後檳榔散

檳榔散

檳榔為細末將羌活當歸湯調下

陳錄判母年七十餘於冬至後腦出疽形可甌面大衆瘍醫診視俟瘡熟以鍼出膿因答待妾瘡輒內陷

寒

凹一韭葉許面色青黃不澤四肢逆冷汗出身清時復嘔吐脉極沉細而遲蓋緣衰老之年嚴寒之時病中苦楚飲食淡薄已滌肥濃之氣獨存瘦悴之形加之暴怒精神愈損故有此寒變也病與時同與瘍醫議速製五香湯一劑加丁香附子各伍錢劑盡瘍復大發隨證調治而愈內經曰凡治病必察其下謂察時下之宜也諸痛痒瘡瘍皆屬心火言其常也如瘡盛形羸邪高痛下始熱終寒此反常也固當察時下之宜而權治故曰經者常也法者用也醫者意也隨所宜而治之可收十全之功矣

按此條年老冬寒理宜溫補茲用五香湯

陰虛火熾

加丁附以辛散也蓋因其怒氣鬱結阻得陽氣不得營運致疽四陷且脉極沉細而遲其為氣鬱可知矣故用五香以開結丁附以助陽則鬱散陽復疽乃大發此亦因其性因其脉而為治也 錦衣葉夫人患腦疽口乾舌燥內服清熱外敷寒涼色黯不焮胸中氣噎證屬陽氣虛寒彼疑素有痰火不受溫補薛以參芪各伍錢薑桂各貳錢一劑頓然腫潰人用大補藥而愈

一人膿將成微痛兼渴尺脉大而無力此陰虛火動之證彼謂心經熱毒自服清涼降火藥愈熾復求治乃以四物湯加黃檗知母五味麥門黃芪及加減八味丸渴止瘡潰更以托裏藥兼前丸而愈

腎水

一婦人年踰八十腦疽已潰發背繼生頭如粟許脉大無力此膀胱經濕熱所致脉無力血氣衰進托裏消毒藥數服稍可更加參耆雖起而渴此血氣虛甚以參芪各壹兩歸芩各伍錢麥門五味各壹錢數服渴止不潰加肉桂十餘劑膿成針之瘀肉漸腐徐徐取去而膿清不斂投十全大補湯加白斂貝母遠志三十餘劑膿稠而愈設不峻補不去腐肉以渴為火投以涼藥寧免死哉 瘡疽之證雖屬心火當分表裏虛實果元氣充實內有實火寒劑或可責效若寒涼過度使胃寒脾弱陽證變陰或結而不潰或潰而

不斂陰陽垂戾水火交爭死無白矣 一人腦疽作渴脉雖洪按之無力予咬咀加減八味丸與之彼不信自用滋陰等藥七惡併至而歿精要曰患疽雖云有熱皆因虛而得之愈後作渴或先渴後疽非加減八味丸不能治 一人腦患疽發熱口渴醫用苦寒藥膿水益多發熱益甚面自赤色唇舌燥烈小便淋痛晝夜不寐死在反掌請薛治之乃以加減八味丸料加參芪歸木麥冬甘草煎服之熟睡半日覺來諸證悉退不數劑而瘡愈薛曰病雖愈當固其本元彼不經意且不守禁次年患中風後患背疽而歿

醫案

渴

一老人膿清兼作渴脉軟而濇予以為氣血俱虛用八珍湯加黃耆五味彼不信乃服降火之劑果反作嘔少食始信服香砂六君子湯四劑嘔止食進仍投前湯月餘而愈 一人未潰兼作渴尺脉大而無力以四物湯加黃檗知母黃耆麥門四劑而渴減又與加減八味丸渴止瘡潰更用托裏藥兼前丸而愈 一人頭項俱痛雖大潰腫痛益甚兼作瀉煩躁不睡飲食少思其勢可畏診其脉毒尚在與仙方活命飲二劑腫痛退半與二神丸及六君子湯加五味麥門酸棗仁四劑諸證少退食頗進睡少得及與參苓白

瀉

木散數服飲食頗進又與十全大補湯加金銀花白芷桔梗月餘瘡鬼遺赤色疽發頭額及腦前并手掌中十日不亢者死七日可刺出赤血七日未有膿不可治也不亢者而東坎也 杼疽發鬚鬚及兩耳不亢十五日死可刺西擊也 其膿色黑如豆豉或見血者死


△面部二

○發眉

鬼遺云左右眉稜兩處發為發眉不拘在頭星宜慮未究已前攻擊在眉頭即攻入眼損睛在眉後即攻下太陽並宜戒慎或問眉發疽毒何如曰此疽從眉至頭生瘡黑色漸漸腫漫滿面瘡頭堅硬如石刺之無膿惟出黃水痛不可忍悶亂嘔逆是也由臟腑積熱風毒上攻而然急服紫金丹勝金丹汗之活命飲加黃連桔梗升麻或黃連消毒飲降火消毒之劑六七日刺得黃白膿者可治乾枯紫陷刺之無膿吐

眉發眉

小斗三



逆煩躁神昏不食者死。或問眉心生疽何如曰是名眉心疽一名面風毒屬足太陽膀胱經風熱壅結陰陽相滯而生急服紫金丹蟾酥丸汗之或一粒金丹下之若黑色痛甚或麻或痒寒熱併作者疔也。

目背瘍

詳見雜病眼目門茲不贅

○鼻疽

或問鼻柱上生疽何如曰是名鼻疽屬手太陰肺經風熱及上焦鬱火所致宜千金漏蘆湯活命飲加梔子木通薄荷桔梗。

○發髭

鬼遺云鼻下一處人中兩處為發髭此多因摘髭外入風而結攻作不常寒熱相併此亦害矣。或問兩腮及鼻下焮腫生瘡惡血淋漓何如曰此名疔疽屬陽明胃經三日口噤如瘞角弓反張按之如疔釘着骨痛不可忍是也急服烏金散活命飲加桔梗升麻梔子壯實者一粒金丹下之稍緩則毒攻心嘔吐不食昏迷躁亂譫語者死。或問地角上生癰何如曰是名鬚毒屬足陽明經風熱所致用活命飲加芩連玄參梔子桔梗以清熱壯實者一粒金丹下之若撼之有根肌肉不仁或麻或痒寒熱大作煩悶嘔逆者

疔也

○顴瘍

或問顴骨內卒然而痛經循而痛甚寒熱大作何如  
曰此顴骨肉疽也屬上焦與陽明經鬱火所致宜活  
命飲加升麻桔梗乾葛水酒煎服仍與烏金散奪命  
丹汗之可消 或問一人年五十忽顴骨上初覺如  
松子漸大如胡桃不甚腫微赤微痒或云痰核或云  
結毒或作瘤治何如曰皆非也是名顴疽屬陽明經  
積熱所致用紫金丹烏金散活命飲加製過南星服  
之而消 按靈樞曰心病者顴赤又曰腎病者顴與

顏黑然則當察其色赤者宜以黃連安神丸降心火  
補心丸養心血黑者宜以地黃丸滋腎水未可專委  
之陽明鬱火也

○頰瘍

或問頰腮生瘡何如曰此名金腮瘡初如米粒漸大  
如豆久而不治潰蝕透頰屬陽明經初宜服勝金丹  
活命飲加升麻桔梗黃連消毒散選用壯實者一粒  
金丹下之治不得法潰爛不斂口吐臭痰喘急神昏  
者死

犀角升麻湯 治陽明經絡受風熱口唇頰車髮鬢

犀角升麻湯 治陽明經絡受風熱口唇頰車髮鬢

腫痛及鼻額間連頭痛不可開口雖言語飲食亦相妨上

犀角 朱錢半

川升麻 半兩

防風

黃芩 各錢半

香白芷

白附子

川芎 各錢半

羌活 參錢壹字

生甘草 壹錢半

右咬咀都作一服水伍盞煎至參盞半去滓分作參服一日一服訖其證必減如臟腑有些滯不妨足陽明胃經也經云腸胃為市又云陽明多血多氣胃之中腥羶五味無所不納如市廛無所不有也六經之中血氣俱多腐熟飲食之毒聚於胃故

此方以犀角為主飲食之毒陽明經絡環唇挾口起於鼻交額中循頰車上耳前過客主人循髮際至額顙昔王公患此一經亦以升麻佐之餘藥皆滌除風熱升麻黃芩專入胃經故用有效

○發頤 非腮

或問腮臉生毒何如曰此名腮頤發肌肉浮而不着骨者名非腮俱屬陽明風熱所致急服活命飲加玄參芩連水酒煎服及紫金丹汗之 或問顙骨之下顙頤之上耳前一寸三分發疽何如曰此名顙發古云不治之證屬陽明經熱毒上攻宜活命飲加升麻



桔梗黃連水酒煎服紫金丹奪命丹汗之壯實者一粒金丹下之老弱者十全大補湯黃芪內托散人參養榮湯若治不得法延及咽溢潰爛穿口不食者死嘗見一婦人患此證經水適至一醫開之嘔逆不食而死又一人患此醫用點藥潰爛臭穢以致虛火上升吐血痰譫語而死 薛疝腮屬足陽明胃經或外因風熱所乘或內因積熱所致若腫痛寒熱者白芷胃風湯內熱腫痛者升麻黃連湯外腫作痛內熱口乾者犀角升麻湯內傷寒涼不能消潰者補中益氣湯發熱作渴大便秘結者加味清涼飲表裏俱解而

仍腫痛者欲作膿也托裏散若飲食少思胃氣虛弱也六君子湯肢體倦怠陽氣虛弱也補中益氣湯膿毒既潰腫痛不減熱毒未解也托裏消毒散膿出而反痛氣血虛也人參內托散發熱晡熱陰血虛也八珍湯惡寒發熱氣血俱虛也十全大補湯若腫炊痛連耳下者屬手足少陽經當清肝火若連頤及耳後者屬足少陰經虛火當補腎水患此而有不治者多泥風熱執用尅伐之藥耳 按素問云腎熱者頤先赤故頤屬足少陰腎經也而今醫師以耳後一寸三分發銳毒者名曰發頤則是少陽分野薛氏亦以為

屬足少陰經當補腎水者何也蓋腎為相火之宅宅完且固而火得歸息焉則治腎正所以治少陽也此證傷寒汗出不徹者多患之亦有雜證客熱久而不散而發於頤者宜以藥速消散之失治成膿則費手矣若又服尅伐之藥而不滋補其氣血即穿口穿喉而死一人年逾三十夏月熱病後患頤毒積日不潰氣息奄奄飲食少思大便不禁診脈如無經曰脈息如無似有細而微者陽氣衰也齊氏曰飲食不入大便滑利腸胃虛也以六君子加炮薑肉豆蔻破故紙數劑泄稍止食稍進更加黃蘗當歸肉桂潰而膿

水清稀前藥每服加熟附壹錢數劑泄止食進膿漸稠再以十全大補湯加酒炒芍藥白斂月餘而愈地官陳用之服發散之劑寒熱已退腫痛不消此血凝滯而欲作膿也用托裏消毒散而膿成又用托裏散而潰但膿清作渴乃氣血虛也用八珍加麥門五味三十餘劑而愈上舍盧懋樹患此而尺脈數證屬腎經不足誤服消毒之劑致損元氣而不能愈余用補中益氣六味丸料而痊上舍熊棟卿頤後患之膿清體瘦遺精盜汗晡熱口渴痰氣上湧久而不愈脈洪大按之微細屬腎氣虧損所致遂用加減八

味丸料并十全大補湯而愈。一婦人素內熱因怒耳下至頸腫痛寒熱此肝膽經火燥而血虛用柴胡梔子散而腫痛消用加味逍遙散而寒熱退用八珍湯加丹皮而內熱止。

連翹敗毒散 治發頤初腫服此消之。

羌活中 獨活中 連翹上

荆芥中 防風中 柴胡中

升麻下 桔梗中 甘草下

川芎中 牛蒡子新尾上炒研

當歸尾酒洗 紅花酒洗 蘇木下

天花粉中

右用水壹鍾好酒壹鍾同煎至壹鍾去滓徐徐溫

服如未消加穿山甲蛤粉炒 腫至面者加香白芷

壹錢 漏蘆分 如大便燥實者加酒浸大黃壹錢 壯者

倍用之凡內有熱或寒熱交作者倍用柴胡加酒

洗黃芩壹錢 酒炒黃連壹錢

加味消毒飲子 治搭腮腫

防風 荆芥 連翹

牛蒡子 羌活 甘草各等分

右為麤末水煎二兩服散毒然後用藥塗腮腫處

外科  
一切不可先便用藥塗毒氣入喉中不救

內托消毒散 治發願有膿不可消者已破未破服之

人參 中

黃芪 上

防風 中

白芷 中

川芎 中

當歸 中

桔梗 中

連翹 中

升麻 中

柴胡 中

金銀花 中

甘草節 中

右用冰壹鍾好酒壹鍾同煎壹鍾去滓徐徐溫服  
瘡破者以玄武膏貼之四圍赤腫不退者仍以後  
藥塗之兼服蠟礬丸最妙

外科  
消毒救苦散 消腫散毒用米醋調塗傳四圍魚頭

如乾即又傳

大黃 叁錢

黃芩

黃連

黃蘗

芙蓉葉

大薊根

白芨

白斂

天南星

半夏

紅花

檀花

當歸尾

赤小豆

白芷 各壹錢半

朴硝

雄黃 另研末以各壹錢

一方用見腫消草生白芨白斂土大黃生大薊根野  
苧麻根共搗成餅入朴硝壹錢和勻貼腫上留頭

外科發痲 小科三

勿貼如乾即換之若更加山慈菇金線重樓根尤妙

百合散 治頰頰瘡一名獨骨瘡

百合

黃蘗各壹兩

白芨貳錢半

草麻子伍拾粒研

右為末用朴硝水和作餅貼之日三五次

二金散 治大人小兒蝕透腮頰初生如米豆名蝕

顯瘡

雞內金

鬱金

右等分為末先用鹽漿盪漱了貼之

芙蓉傳方 治頰頰腫痛或破成瘡

芙蓉葉不拘多少右搗爛傳之以帛紮定日一換

神效方 治疔腮及癰疽發背瘡癤等證

赤小豆為細末以新汲水調敷瘡上及四邊赤腫處

乾則再傳之

○面瘡

或問面遊風毒何如曰此積熱在內或多食辛辣厚味或服金石剛劑太過以致熱壅上焦氣血沸騰而作屬陽明經初覺微痒如蟲蟻行搔損則成瘡痛楚難禁宜服黃連消毒散去人參加薄荷梔子及活命

飲加桔梗升麻紫金丹烏金散選用外用祛風潤肌之劑敷之

治面部生瘡或鼻臉赤風刺粉刺用盡藥不效者惟此藥可治神妙不可言每以少許臨卧時洗面令淨如面油用之數日間瘡腫處自平赤亦自消如風刺粉刺一夕見效仍塗藥勿近眼處

生硫黃

香白芷

瓜蒞仁

膩粉 各半錢

全蝎 柒枚

蟬蛻 伍枚

芫青 柒枚去足翅

右為細末麻油黃蠟約度如合面油法火熬溶取

下離火又諸藥在內每用少許塗面上

山面瘡水調平胃散塗之

手治臉上熱瘡涎出以蒲黃傅上瘡

東洗面藥方治面有黥點或生瘡及粉刺之類并去

皮膚燥痒垢膩潤澤肌膚

皂角 叁斤去皮另搗糯米 壹升 貳合

葉豆 捌合揀淨另搗

楮實子 伍兩 三柰子

縮砂 連皮 半兩

白芨 貳兩肥者剉 甘松 柒錢

升麻子 半兩

白丁香 伍錢臘月收揀淨

右七味同為細末訖和葉豆糯米粉及皂角末

處攪勻用之效

面油摩風膏

麻黃 伍錢

升麻

防風 各貳錢

當歸身

白芨 各壹錢

羌活 去皮壹兩

白檀香 任分

右以縣裏定前藥於銀石器中用油伍兩同熬得所澄清去渣以黃蠟壹兩再煎熬為度

瑩肌如玉散

白丁香

白蒺藜

白牽牛

白芨

白蘇

小椒 各壹兩

香白芷 米錢

當歸稍

升麻 各半兩

楮實子 肆錢

白茯苓 參錢

白附子 貳錢半

麻黃 去節貳錢

連翹 壹錢半

右為細末每用半錢多少洗之塗野黯不令生瘡

豬苓

麻黃

桂枝

白蒺藜

白附子

連翹

防風

香白芷

白蘇

當歸身

升麻根

白芨

右等分為細末洗面用之臨卧唾調少許塗面上

耐療面多，肝黯如雀卵色，以殺羊膽壹枚酒貳升煮，參沸塗拭之，三日瘥。治面上粉刺，搗鬼絲子絞汁塗之。

竹白附丹 治男子婦人面上黑斑點

白附子 壹兩 白芨 白蘇 白石脂

白茯苓 蜜陀僧

定粉各等分 研細 右為細末，用洗面藥洗淨，臨睡用牛乳汁，如無用牛乳，或鷄子清調和，丸如龍眼，大逐旋用溫漿水磨開傳之。

白附子散 治面上熱瘡，似癰或生赤黑斑點。

白附子 蜜陀僧 茯苓

白芷 定粉各等分

右為末，先用蘿蔔煎湯洗面，淨後用羊乳調至夜敷患處，次早洗去效。

祛風白芷散 治面上風癰瘡

白芷 參錢 黃連 黃蘗

黃丹 各貳錢 茯苓 壹錢 輕粉 壹錢

右為細末，用油調搽癰瘡上，或加孩兒茶貳錢麝香貳分亦可。

○牙又發



鬼遺云左右牙文骨接處發癰疽腫處脹攻骨及牙  
關張口不得因諸風熱上攻或多食燒炙之物所為  
或因患牙癰即從牙縫中破出膿血切忌針風水觸  
犯スル按此係陽明經鬱熱治宜清胃散甘露飲防風  
通聖涼膈之屬量虛實表裏用之若服寒涼過多火  
不歸源者服理中之屬佐以薑附始安

○承漿癰

或問地角下生疽何如曰是名頰癰屬陽明胃經積  
熱所致用白芷升麻湯活命飲加升麻桔梗更服紫  
金丹汗之壯實者一粒金丹下之

耳部

○耳發

或問耳輪生疽何如曰是名耳發疽屬手少陽三焦  
經風熱所致六七日漸腫如胡桃或如蜂房之狀或  
赤或紫熱如火痛徹心是也十日刺出黃白膿者生  
刺之無膿時出鮮血飲食不下神昏狂躁者死小兒  
耳竅旁生者相傳指月而生恐未必然大抵風濕熱  
毒成疔故名月蝕疔瘡

水銀膏 治月蝕瘡多在兩耳上及竅傍隨月虛盈

水銀貳錢半

胡粉研

松脂

黃連

去鬚為末

豬脂

肆兩

右先熬豬脂令沸下松脂諸末及水銀攪令勻磁盒盛先以鹽湯洗淨瘡塗敷日三五度

胡粉散

治月蝕瘡

胡粉

炒微黃

白礬

煨

黃連

淨

輕粉

各貳錢

臘脂

壹錢

麝香

少許

右為末先以溫漿水入鹽洗拭後摻藥如瘡乾麻油調敷

○耳內瘡

或問耳中生毒何如曰耳中所患不同皆由足少陰手少陽二經風熱上壅而然其證有五曰停耳亦曰耳濕常出黃膿有耳風毒常出紅膿有纏耳常出白膿有耳疔生瘡臭穢有震耳耳內虛鳴常出清膿雖有五般其源一也皆不寒熱有耳聾耳痔則不作膿亦不寒熱外無臃腫但耳塞不通已上纏綿不已令入耳聾活命飲黃連消毒飲治之若寒熱間作內外紅腫疼痛日增者為耳癰用活命飲加升麻桔梗紫金丹烏金散壯實者一粒金丹下之若寒熱大作痛楚難禁者疔也作疔治之

東垣黍粘子湯 治耳內痛生瘡

桔梗半兩 柴胡 黃芪各參分

連翹 黃芩 黍粘子

當歸稍 生地黄 黃連各貳分

蒲黃 甘草炙 草龍膽

昆布 蘇木 生甘草各壹分

桃仁壹錢 紅花少許

右件剉如麻豆大，作一服水貳大盞煎至壹盞去渣，少熱服，食後忌寒藥利大便。  
羅治耳內生瘡者為足少陰是腎之經也，其氣通於

耳其經虛風熱乘之隨脉入於耳與氣相搏故令耳門生瘡也，曾青散主之。

曾青散 治耳內有惡瘡

雄黃朱錢 曾青半兩 黃芩貳錢

右件搗為細末，研勻，每用少許納耳中，有膿出即以綿杖子拭乾用之。

黃連散

黃連半兩 白礬枯朱

右搗為細末，每用少許綿裹納耳中。

餘詳雜病第八耳門

耳部 耳根毒 外科 三

○耳根毒

或問耳根結核何如曰是名耳根毒狀如痰核按之  
不動而微痛屬足少陽膽經兼三焦經風熱所致用  
活命飲加升麻柴胡水酒煎服或烏金散汗之壯實  
者一粒金丹汗之老弱者黃芪內托散十宣散托之  
一人勞倦耳下焮腫惡寒發熱頭疼作渴右脉大  
而軟當服補中益氣湯彼自用藥發散遂致嘔吐始  
信予用六君子湯更服補中益氣湯而愈 太抵內  
傷榮衛失守皮膚間無氣滋養則不任風寒胃氣下  
陷則陽火上衝氣喘發熱頭痛脉大此不足證也誤

作外感表實而反瀉之寧免虛虛之禍東垣云內傷  
右脉大外感左脉大當以此別之按左脉大屬邪感  
形觀色審證參之以此脉乃得不誤丹溪治老  
寒作勞患頭疼發熱惡寒骨節疼無汗安語脉洪數  
而左甚治以參芪歸朮陳皮甘草每貼加附子壹片  
五貼而愈 又少年九月間發熱頭痛妄語大渴  
形肥脉數大左甚以參朮君苳臣芪佐附一片使  
蓋人肥而脉左大干右事急矣非附則參芪無捷効  
內傷治之若依東垣認作外感寧不殺入 一婦耳  
下腫痛發寒熱與荆防敗毒散四劑表證悉退以散  
腫潰堅湯數劑腫消大半再以神効瓜蔓散四劑而  
平 一人肝經風熱耳下腫痛發熱脉浮數以薄荷  
丹治之而消 一婦因怒耳下腫痛以荆防敗毒散

耳根毒

加連翹黃芩四劑而愈 嘗治此旬日不消者以益  
 氣血藥及飲遠志酒並効無膿自消有膿自潰 一  
 婦因怒耳下焮痛頭痛寒熱以荆防敗毒加黃芩表  
 證悉退但飲食少思日晡發熱東垣云雖有虛熱不  
 可大攻熱去則寒起遂以小柴胡加地骨皮芎歸苓  
 朮陳皮十餘貼而愈次年春復腫堅不潰用八珍湯  
 加香附柴胡地骨皮桔梗服至六七貼以為延緩仍  
 服人參敗毒散勢愈盛又服流氣飲則盜汗發熱口  
 乾食少至秋復求診視氣血虛極辭之果歿 一人  
 每怒耳下腫或脇作痛以小柴胡湯加青皮紅花桃

仁四劑而愈 一女性急好怒耳下常腫痛發寒熱  
 肝脉弦急投小柴胡加青皮牛蒡子荆芥防風而寒  
 熱退更以小柴胡湯對四物數劑而腫消其父欲除  
 病根謂肝內主藏血外主榮筋若恚怒氣逆則傷  
 肝肝主筋故筋蓄結而腫須要自加調攝庶可免患  
 否則肝迭受傷不能藏血血虛則難差矣後不戒果  
 結三核屢用追蝕不斂而沒 一人遠途勞倦發熱  
 脉大無力耳下患腫此勞損也宜補中益氣養榮湯  
 自然熱退腫消彼不聽服降火藥及必効散果吐瀉  
 不食而死 夫勞倦損氣氣衰則火旺火乘脾土故

耳部 外科 三

倦怠而熱此元氣傷也丹溪曰宜補形氣調經脈其  
瘡自消不可汗下若不詳脈症經絡受病之異而輒  
用峻厲之劑鮮不危矣

○耳後疽

參發頤

或問耳後一寸三分生疽古云不治之證今有一人  
年二十四歲耳後結塊如拳肉色不變亦不甚痛七  
日不食何如曰此名耳後毒非癭也隔蒜灸之活命  
飲加柴胡桔梗升麻八陣散下之愈 張通府耳後  
髮際患腫一塊無頭肉色不變按之微痛彼謂痰結  
脈軟而時見數經曰脈數不時見瘡也非痰也仲景

云微弱之脈主血氣俱虛形精不足又曰沉遲軟弱  
皆宜托裏遂用參芪歸朮川芎炙甘草以托裏少加  
金銀花白芷桔梗以消毒彼謂不然內飲降火消痰  
外貼涼藥覺寒徹腦患處太熱頭愈重食愈少復請  
治以四君子加藿香炮乾薑數劑食漸進膿成刺之  
更以十全大補湯去桂灸以豆豉餅又月餘而愈  
羅宗伯耳後髮際患毒焮痛脈數以小柴胡加桔梗  
牛蒡子金銀花四劑而愈 一人耳後患毒脈證俱  
實宜用內疎黃連湯彼以嚴冬不服寒劑竟至不起  
一人耳後寸餘發一毒名曰銳疽焮痛寒熱煩躁

喜冷此膽經蘊熱而然先用神仙活命飲一劑勢減  
二三時值仲冬彼感于用寒遠寒之禁自用十宣托  
裏之藥勢漸熾耳內膿潰喉腫開藥不能下而沒

○總論

耳瘡屬手少陽三焦經或足厥陰肝經血虛風熱  
或肝經燥火風熱或腎經虛火等因若發熱熾痛屬  
少陽厥陰風熱用柴胡梔子散若內熱痒痛屬前二  
經血虛用當歸川芎散若寒熱作痛屬肝經風熱用  
小柴胡湯加山梔川芎若內熱口乾屬腎經虛火用  
加味地黃丸如不應加減八味丸餘當隨證治之

文選姚海山耳根赤腫寒熱作痛此屬三焦風熱  
也但中氣素虛以補中益氣加山梔炒黃芩牛蒡子  
治之而愈一儒者因怒耳內作痛出水或用祛風  
之劑筋攣作痛肢體如束此肝火傷血也用六味丸  
料數服而愈舉人毛石峰子年二十耳內出水或  
作痛年餘矣脉洪數左尺益甚此屬肝腎二經虛熱  
也用加減八味丸料一劑而愈一男子每入房耳  
內或作痒或出水常以銀簪探入甚喜陰涼此屬腎  
經虛熱也用加減八味丸而愈一婦人因怒發熱  
每經行即兩耳出膿兩太陽作痛以手按之痛稍止

怒則胸脇乳房脹痛或寒熱往來或小便頻數或小  
腹脹悶此皆屬肝火血虛也先用梔子清肝散二劑  
又用加味道遙散數劑諸證悉退又以補中益氣加  
五味而全愈 一婦人經行後因怒氣勞役發熱寒  
熱耳內作痛余以經行為血虛用八珍湯加柴胡怒  
氣為肝火用加味道遙散勞役為氣傷用補中益氣  
湯加山梔而愈 一婦人耳內作痛或腫聾寒熱發  
熱面色素青黃經行則變赤余以為怒氣傷肝鬱結  
傷脾用加味歸脾湯加味道遙散而愈 一婦人耳  
內腫痛寒熱口苦耳內出水焮連頸項飲食少思此

肝火甚而傷脾也用小柴胡湯加山梔牡丹皮稍愈  
用加味道遙散及八珍湯加柴胡山梔丹皮調補肝  
脾而全愈 一婦人耳內外作痛或項側結核肉  
熱晡熱月經不調唾痰少食胸膈不利余以為鬱怒  
傷肝脾朝用歸脾湯以解脾鬱生脾氣夕用加味道  
遙散以清肝火生肝血而愈 太卿魏莊渠癸卯仲  
冬耳內作痛左尺洪大而澀余曰此腎水枯竭不能  
生肝木當滋化源彼不信仍雜用直補之劑余謂其  
瘳陸時若曰莊渠不能生腎水來春必不能起至明  
年季春十八日復請治昏憤不語願耳之分已有膿



矣且卯縮便數方信余言求治辭不克用六味丸料  
壹鍾陰莖舒出小便十減六七神思頓醒余曰若砭  
膿出庶延數日為立嗣之計否則膿從耳出死立待  
矣或謂不砭可生者余因辭歸翌日果耳內出膿至  
二十一日巳未火日而卒 憲副姜時川癸卯冬右  
手寸口浮數而有痰口內若有瘡然余曰此胃火傳  
於肺也當薄滋味慎起居以禦之甲辰秋尺脈洪數  
而無方余曰此肺金不能生腎水無根之火上炎也  
宜靜調養滋化源以治之彼云今喉耳不時燥痛肢  
體不時發熱果是無根之火殞無疑矣後會劉古岷

云姜公之病已如尊料遂拉同往視喉果腫潰脉愈  
洪大又誤以為瘡毒而投苦寒之劑卒於仲春二十  
八日乃藥之促其亡也否則尚能延至仲夏  
當歸川芎散治手足少陽經血虛瘡證或風熱耳  
內痒痛生瘡出水或頭自不清寒熱少食或婦女  
經水不調胸膈不利脇腹痞痛

- 當歸
- 川芎
- 柴胡
- 白朮
- 芍藥 各壹錢
- 山梔 炒壹錢
- 牡丹皮 各伍分
- 茯苓 各捌分
- 蔓荊子
- 甘草 各伍分

耳部 小斗三 三五

右水煎服

若肝氣不平寒熱加地骨皮肝氣實加柴胡黃  
芩氣血虛加參芪歸地脾虛飲食少思加苓  
朮脾虛胸膈不利加參芪痰滯胸膈加米半  
肝氣不順胸膈不利或小腹痞滿或時攻痛加青  
皮肝血不足胸膈不利或小腹滿痛加熟地黃  
肝血虛寒小腹時痛加肉桂日晡發熱加歸  
地

梔子清肝散

一名柴胡

治三焦及足少陽經風熱

耳內作痒生瘡或出水疼痛或胸乳間作痛或寒

熱往來

柴胡

梔子炒

牡丹皮各壹錢

茯苓

川芎

芍藥

當歸

牛蒡子炒各柒分

甘草伍分

右水煎服

若太陽頭痛加羌活

加味地黃丸

治肝腎陰虛瘡證或耳內痒痛出水

或眼昏痰氣喘嗽或作渴發熱小便赤澀等證

乾山藥

山茱萸

牡丹皮

澤瀉

白茯苓

熟地黃

柴胡

五味子

各另為柒等分

右將二地黄搗碎酒拌濕杵膏入前末和勻加煉蜜為丸桐子大每服百丸空心白湯送下不應用加減八味丸

八口齒部 四

○口瘡

詳雜病第八口門此撮其遺者耳

熱

丹王四叔公口瘡舌強多痰

白木

甘草稍

壹錢

人參

赤芍藥

木通

生地黄

半錢

黃連

炒壹錢

瓜蒌子

拾貳枚

右作一貼煎

羅黃連升麻湯

治口舌生瘡

升麻

壹錢半

黃連

叁錢

右為細末綿裹含津嚥

辛能散鬱

丹治口瘡黃檗炙同細辛各貳錢研極細傅之噙少時當滿口有涎吐之少刻又傅又噙如是五七次愈

羅綠袍散治大人小兒口瘡多不効者

黃檗

肆兩

甘草

炙貳兩

青黛

壹兩

右先取一味為末入青黛同研勻乾貼

衍黃檗蜜炙與青黛各壹分同為末入生龍腦壹字

研勻治心脾熱舌頰生瘡當搽瘡上有涎即吐之

垣蜜檗散治口瘡久不愈者用黃檗不計多少蜜

炙灰色為細末乾搽上臨卧忌酒醋醬犯之則瘡

難愈

丹好酒煮黃連呷下立愈

本治膈上熱極口舌生瘡

膩粉

壹七

杏仁

柒粒不

去皮尖

右二味臨卧時細嚼令涎出則吐之用温湯嗽口

未痊可又用

肘治口瘡以薔薇根避風處打去土者濃汁温含冷

易之

衍五倍子治口瘡以末搽之便可飲食

本治口瘡以膽礬一塊用百沸湯泡開含漱一夕可

酸能收緩

瘡入分一方用白礬湯漱口亦妙凡口瘡用西  
瓜漿水瘡甚者以此徐徐飲之冬月無留皮燒灰噙  
之

**實熱**

治口瘡以好墨研螻蛄極細傳之立效胡氏螻蛄走  
小瘡膀胱其効甚捷因力峻氣猛陰虛氣上致瘡者  
戒勿用惟體實有熱在上焦者用之

子和治一男子病口瘡數年上至口中至咽喉下至  
胃脘皆痛不敢食熱物一涌一泄一汗十去其九次  
服黃連解毒湯不十餘日皆釋

**虛**

丹口瘡服涼藥不愈者此中焦氣不足虛火泥上先

用理中湯甚則加附子

本治滿口生瘡此因虛火上攻口舌生瘡

草烏頭壹枚

南星壹枚

生薑壹塊

右焙乾為細末每服貳錢臨時用醋調作掩子  
貼手足心來日便愈

丹口瘡以遠志醋研鵝毛掃患處出涎

本治口鼻生瘡用生薑壹塊臨睡時細嚼含睡不得  
開口出氣眠着不妨睡覺燕下

**府**

保半夏散治少陰口瘡聲絕不出者是寒遏絕陽  
氣不伸半夏製兩壹桂烏頭壹水同煎壹盞

口瘡

小瘡

口瘡

分作二服

甘礬散 治太陰口瘡

甘草貳寸 白礬栗子大 右含化嚥津

乳香散 治赤口瘡

乳香 沒藥各壹錢 白礬半錢 銅綠許少 研末摻之

沒藥散 治白口瘡

乳香 沒藥 雄黃各壹錢 輕粉半錢 巴豆霜許少 爲

末摻之

雜方

丹治口瘡 豬蹄殼燒爲末 傳之立止張氏方 治口瘡 與走馬疳茄蒂中木去皮燒存性入少白梅灰與少

礬細末傳之立安

羅紅芍藥散

心病口瘡 紫桔紅蒼 三錢 四兩 五服安康

右件紫苑 桔梗 紅芍藥 蒼朮 各等分 爲細末 羊肝

肆兩 批開 摻藥末 參錢用麻絮定火內燒令熟 空

心食之 白湯送下 大効

聖主小兒口瘡 通白者及風疳瘡 蝕透者 以白僵蠶

炒令黃色 拭去蠶上黃肉毛 爲末 用蜜和 傳之立効

陳主口內熱瘡 以古文錢貳拾文 燒令赤 投酒中 飲

之立瘥

口舌生瘡胸膈疼痛用炒豉細末含一宿便瘥  
聖治口瘡用縮砂不拘多少火煨為末摻瘡即愈  
又法用檳榔燒灰存性為末入輕粉傅之  
干治口瘡取桑樹汁先以髮拭口即以汁傅之  
垣化毒法凡口瘡無問新舊遇夜卧將自己兩丸以  
手攪緊左右交手揉三五十遍但遇夜睡覺行之如  
此三五度因酒而生者一夜愈久病諸口瘡三五夜  
愈如鼻流清涕惡寒者攪二丸向上揉之數夜可愈

○牙癰

或問牙根生癰何如曰此名附牙癰屬足陽明胃經

熱毒所致宜服清胃散黃連消毒飲或刺出惡血即愈

清胃散 治膏梁積熱唇口腫痛齒齦潰爛焮痛連

頭面或惡寒發熱

升麻 貳錢

生地黄

牡丹皮

黃連

當歸 酒洗各壹錢

右水煎服痛未止石膏之類可量加

○骨槽風

或問牙齦腫痛寒熱大作腐爛不已作疔治之無益  
何如曰此骨槽風也一名穿腮毒由憂愁思慮驚恐

悲傷所致初起生於耳下及頸項間隱隱皮膚之內  
略有小核漸大如胡桃日增紅腫或上或下或左或  
右牙關緊急不能進食先用鷲翎探吐風痰服黃連  
解毒湯活命飲加玄參桔梗柴胡黃芩切不可用刀  
針有一人因用藥點破入風虛火上升嘔吐血痰譫  
語臭穢不食而死又一人上齒根連外腫痛後齒根  
潰膿醫者皆以牙癰治之久而不斂濃汁不絕詢其  
故乃曾生廣瘡者即以結毒治之而愈  
東垣神功丸 治多食肉人口臭不可近牙齒疳蝕  
斷肉將脫牙落血出不止

黃連

去毛淨酒洗壹兩 縮砂仁 半兩

生地黄

酒浸

甘艸

各叁錢

藿香葉

木香

當歸身

各壹錢 升麻 貳錢

蘭香葉

如無以藿香葉代之

貳錢

右為細末水浸蒸餅為丸菘豆大每服壹百丸加  
至貳百丸止白湯下食後服兼治血痢及下血不  
止血下褐色或紫黑色及腸澀下血空心米飲送  
下其脉洪大而緩及治麻木厥氣上衝逆氣上行  
臍間者

○上腭癰



或問上腭生疽狀如紫蒲萄何如曰是名懸癰屬手  
太陰手厥陰心包絡令人寒熱大作舌不能伸縮口  
不能開闔惟欲仰面而卧鼻中時出紅涕屬手足少  
陰經及三焦積熱所致宜黃連消毒飲加桔梗玄參  
急刺出惡血犀角琥珀膏敷之壯實者一粒金丹下  
之過時不治飲食不入神昏脉亂者死

○唇瘡

世唇瘡以醃上滴下汗傳之累効如神

羅多効散 治唇緊瘡及疹

訶子肉

五倍子 各等分

右為細末乾貼上効

丹唇黃泡腫烏頭炒灰研香油調傳之 胡氏方

唇上生瘡連年不瘥以八月藍葉壹斤搗取汁洗之

不過三日瘥 千金方

唇上生瘡用白荷花瓣貼之神効如開裂出血者即  
止

五  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十  
 二十一  
 二十二  
 二十三  
 二十四  
 二十五  
 二十六  
 二十七  
 二十八  
 二十九  
 三十  
 三十一  
 三十二  
 三十三  
 三十四  
 三十五  
 三十六  
 三十七  
 三十八  
 三十九  
 四十  
 四十一  
 四十二  
 四十三  
 四十四  
 四十五  
 四十六  
 四十七  
 四十八  
 四十九  
 五十  
 五十一  
 五十二  
 五十三  
 五十四  
 五十五  
 五十六  
 五十七  
 五十八  
 五十九  
 六十  
 六十一  
 六十二  
 六十三  
 六十四  
 六十五  
 六十六  
 六十七  
 六十八  
 六十九  
 七十  
 七十一  
 七十二  
 七十三  
 七十四  
 七十五  
 七十六  
 七十七  
 七十八  
 七十九  
 八十  
 八十一  
 八十二  
 八十三  
 八十四  
 八十五  
 八十六  
 八十七  
 八十八  
 八十九  
 九十  
 九十一  
 九十二  
 九十三  
 九十四  
 九十五  
 九十六  
 九十七  
 九十八  
 九十九  
 一百

